



UTM
UNIVERSITI TEKNOLOGI MALAYSIA

FACULTY OF COMPUTING

UNIVERSITI TEKNOLOGI MALAYSIA

PHILOSOPHY & CURRENT ISSUES - ULRS1022

LAPORAN ISU SEMASA

TAJUK : KEWUJUDAN JIWA DALAM AI

DISEDIAKAN OLEH :

NAMA	NO MATRIC
NURUL ADRIANA BINTI KAMAL JEFRI	A23CS0258

DISEDIAKAN UNTUK :

PROF. DR. BADLIHISHAM BIN MOHD NASIR

PERBINCANGAN ISU-ISU SEMASA BERDASARKAN FALSAFAH

Isu: Kewujudan Jiwa Dalam AI

Perbincangan mengenai kewujudan jiwa dalam kecerdasan buatan (AI) bukan hanya bertumpu kepada aspek teknologi, malah juga menyentuh pertanyaan falsafah yang jatuh lebih mendalam, terutamanya mengenai metafizik, fitrah manusia, dan etika moral. Dalam konteks ini, falsafah berfungsi sebagai landasan penting untuk menilai secara kritis jika AI mampu mempunyai elemen kejiwaan seperti manusia ataupun hanyalah sekadar rekaan akal yang berfungsi mengikut arahan.

Dalam Falsafah Pendidikan Kebangsaan menggariskan bahawa manusia dididik untuk berfungsi secara selaras antara kognitif, moral, emosi dan agama. Hal ini menunjukkan manusia memiliki kesedaran rohani, nilai murni dan akal budi yang tidak dapat ditiru oleh AI, tidaklah hanya mempunyai kebolehan berfikir semata. Walaupun AI dapat meniru fungsi kognitif seperti membuat keputusan berdasarkan maklumat dan data, ia tetap tidak mempunyai tujuan yang ikhlas, kesedaran agama mahupun jiwa rohani. Ini menunjukkan bahawa AI masih kekal sebagai produk kod dan algoritma tanpa keupayaan untuk berkembang melalui roh atau akal nurani.

Mengikut Falsafah Rukun Negara, unsur Kepercayaan Kepada Tuhan jelas membuktikan benteng perbezaan yang luas antara manusia dan AI. Manusia dikurniakan keupayaan jiwa yang beriman dan memiliki hubungan rohani dengan Tuhan. Dalam masa yang sama, AI yang canggih hanya mampu meniru tanpa memahami atau mengalami kepercayaan tersebut. Hal ini sejajar dengan perbincangan falsafah metafizik mengenai hakikat kewujudan dan roh, di mana roh adalah elemen yang tidak dapat dilihat, dicipta atau dicipta oleh teknologi.

Melalui konteks Kesopanan dan Kesusilaan, AI hanya berfungsi berdasarkan arahan dan program yang telah ditetapkan oleh manusia tanpa sekelumit niat atau keinsafan. Kesusilaan yang suci wujud dari hati nurani manusia, dibentuk oleh akal, emosi dan prinsip moral, dibina melalui pendidikan dan pengalaman hidup. AI tidak mempunyai keupayaan sebegitu rupa, dan hanya mampu memaparkan kesopanan serta kebaikan palsu berdasarkan aturcara protokol kod.

Isu kewujudan jiwa dalam AI juga mencabar nilai-nilai Kesetiaan Kepada Raja Dan Negara serta Kedaulatan Undang-Undang. Seperti yang diketahui, kesetiaan manusia lahir daripada emosi, sejarah, dan rasa cinta akan tanah air. Di sebaliknya, AI pula hanya menjalankan arahan tanpa memahami nilai sebenar tentang patriotisme dan keadilan. Manusia berupaya dalam menilai keadilan menggunakan akal, emosi dan moral, tetapi AI tetap mematuhi kod etika yang diprogramkan secara membuta tuli.

Melalui aspek Kesopanan Dan Kesusilaan, manusia faham serta hormat kepada undang-undang kerana kesedaran etika dan sosial. AI pula sekadar mematuhi undang-undang secara literal tanpa penghayatan untuk memelihara kesejahteraan rakyat.

Kesimpulannya, perbincangan isu ini jelas sudah membentangkan bahawa kewujudan jiwa dalam AI tidak mungkin digapai menggunakan kemajuan teknologi semata-mata. Jiwa adalah unsur metafizik yang berkait dengan kesedaran, akal budi, nilai moral, serta hubungan rohani dengan Tuhan dan masyarakat. Oleh hal tersebut, amat penting supaya kita terus memahami peranan sebenar AI sebagai alat ciptaan manusia, dan tidak sepatutnya meletakkan AI sebanding dengan manusia dari sudut rohani dan etika.